

SPORAZUM O NAUČNOJ, OBRAZOVNOJ I STRUČNOJ SURADNJI

Zaključen dana 01.08.2019. godine između

1. **VISOKA ŠKOLA „CEPS - CENTAR ZA POSLOVNE STUDIJE“**, SA SJEDIŠTEM U UL. JOSIPA BANA JELAČIĆA BB, 71250 KISELJAK, KOJE ZASTUPA DIREKTOR MIRZO SELIMIĆ (U DALJEM TEKSTU: „CEPS“)

I

2. **ZDRAVSTVENA USTANOVA - LJEČILIŠTE „BANJA-TERME-ILIDŽA“**, SA SJEDIŠTEM U UL. HRASNIČKA CESTA BR. 10, 71210 ILIDŽA, KOJE ZASTUPA DIREKTOR MAIDA DR. MUJČINOVIĆ, SPEC.FIZ. (U DALJEM TEKSTU: LJEČILIŠTE)

Vođeni željom i potrebom za uspostavljanjem međusobne suradnje u oblasti nauke, obrazovanja i struke,

Spremni na efikasnu suradnju koja će doprinijeti razmjeni iskustava i znanja,

Potvrđujući zajedničko zalaganje i interes za unaprijeđivanjem suradnje u oblasti edukacije i naučnog istraživanja,

„CEPS“ i „LJEČILIŠTE“ suglasili su se o slijedećem:

Svrha i oblast suradnje

Članak 1.

Suradnjom će se uspostaviti partnerski odnosi između strana u stručnoj, obrazovnoj i naučno-istraživačkoj oblasti.

Način ostvarivanja suradnje

Članak 2.

Strane će međusobno surađivati kroz razne oblike, a posebno kroz:

1. Mogućnost zajedničkog organiziranja naučno-istraživačkih aktivnosti, konferencija, simpozija, seminara, radionica,
2. Promociju individualnih kontakata među akademskim i stručnim kadrom,
3. Poticaj aktivnosti od zajedničkog interesa obje institucije,
4. Proučavanje problema od zajedničkog interesa i pronalaženje najboljih načina njihovog rješavanja,
5. Unaprjeđenje obrazovnog procesa u praktičnoj edukaciji studenata;
6. Provođenje stručne i ferijalne prakse;

7. Povećanje integracije teorijske i praktične nastave;
8. Druge oblike suradnje od zajedničkog interesa.

Upotreba dokumentacije i stručnih radova

Članak 3.

Strane će, uz potpuno uvažavanje autorskih prava i zaštite osobnih podataka, voditi računa koje analize ili druge stručne radove i do koje mjere mogu učiniti dostupnima javnosti i drugim nadležnim organima.

Provođenje stručne i ferijalne prakse

Članak 4.

Lječilište će studentima „CEPS“-a, sa studijskog programa Zdravstvene studije, omogućiti pohađanje stručne i ferijalne prakse, pod nadzorom i mentorstvom stručnog osoblja Lječilišta.

Stručna i ferijalna praksa će se provoditi na bazi volontiranja, bez novčane naknade, u skladu sa dogovorom i potrebama uprave Lječilišta i CEPS-a.

Lječilište se obavezuje staviti na raspolaganje sredstva rada i obezbijediti uslove u kojima će se provoditi stručna i ferijalna praksa, sve u skladu sa pravilima struke i sa ciljem stručnog osposobljavanja studenata za samostalan rad po završetku studija.

Izmjene i dopune Sporazuma

Članak 5.

Ovaj Sporazum podliježe izmjenama i dopunama, uz pisanu suglasnost obje strane.

Važenje Sporazuma

Članak 6.

Ovaj Sporazum se zaključuje na neodređeno vrijeme, a stupa na snagu danom potpisivanja.

Prestanak Sporazuma

Članak 7.


Sporazum prestaje važiti njegovim otkazom jedne od strana u pisanom obliku.

Strana koja traži raskid Sporazuma, dužna je obavijestiti u pisanom obliku drugu stranu, najmanje šest (6) mjeseci prije dana određenog za raskid Sporazuma.

Članak 8.

Ovaj Sporazum je sastavljen u dva (2) istovjetna primjerka, od kojih svaka strana zadržava po jedan (1) primjerak.

Za „CEPS“


Pred. VS Mirzo Selimić, direktor

Broj: 1937/19
Datum: 01.08.2019



Za „LJEČILIŠTE“


dr. Maida Mujčinović spec. iz: Terapije, direktor

Broj: 417-3
Datum: 01.08.2019. god.

